



黃金甕仔

今仔日我有佢做風水的施先生約佇大寮的公塚見面，欲央伊共阮家族仔囝金斗的靈塔門喙棺闊，才另外做一扇白鐵的門框佢鎖頭會當關起來的工事。伊提文公尺出來量長短、懸低，誠緊就共厚薄、大細講定著。我無共出價，綴手付伊五千箍的定銀，閣約新曆的雙十節欲動工，就徙跔做伙行落來公塚的小路，緊欲趕去別搭閣做工課。

倒手月的路邊有一間黃金甕仔對內底圍到外口供桌前的萬善祠，我問施先生講遮濟粒金斗排甲實實實，是對佢來的？伊回話講對面的地主，佇三十冬前倩攬塗機整地，打揲欲開貨櫃場的時陣，共遮的無名姓的金斗總拈倚來，閣起這間萬善祠予個蹣到今，香火嘛不止仔旺呢，是年是節莫算，差不多逐工攞有人來問一寡有的無的。伊閣講伊若來遮做工課，嘛會先攢果子仔共個拜拜，求一下仔平安爾爾。我閣問伊講有聖無？伊講有信就有聖，敢毋是咧？

話才煞，阮拋車的所在嘛到矣，就隨人駛車轉去。

往過的人塗葬，六冬後著愛倩土公仔拈骨，囝入去差不多三尺懸的黃金甕仔內底，毋過這陣的人顛倒用燒的佔較大面，貯骨頭爌的罈仔才一尺懸，較袂像黃金甕仔遐鎮位。阮阿爸佢阿母過身了後攞是用燒的，有精差的是阿母過身未滿一冬，著愛做對年煞才會當進金，現此時先寄佇深澳坑仔的『台北聖城』，聽候明年的清明彼工，進金兼培墓做一改同齊。

論真來講，共有砣砣的骨頭抑是燒過的骨爌，囝入去揲貼的公塚，毋管是墓龜抑是靈塔，攞據在伊咧生菇臭殍，決定袂閣有人共反出來掌掌看看咧，嘛無人會閣去斟酌、數念遮的死人骨頭。囝佢新婦有當時仔猶會想著阿爸阿母，啊若隔一沿腹肚皮的孫仔輩，是喙罔唸爾，早都共阿公阿媽抨去十三天外。若甲按呢，刁工共骨頭佢骨爌拈起來當做寶，敢有啥路用咧？

這站仔的官廳攞咧推揀人過身了後的海葬佢樹仔葬，上無全的是無墓龜嘛無跣墓牌，厝內底嘛會使免跣神主牌仔，敢毋是誠好咧？

作者：藍春瑞

☆詞彙學習☆

【黃金甕仔】hông-kim-àng-á：骨灰罈。

【聖】siànn：指神明很靈驗。

【公塚】kong-thióng：公墓。

【土公仔】thóo-kong-á：處理喪葬墓穴的工人；挖墳的工人。

【棺闊】hùn-khuah：拓寬。

【文公尺】bùn-kong-tshioh：此指木匠所用的尺，又稱魯班尺。

【對年】tùi-nî：週年忌。

【出價】tshut-kè：討價還價。

【進金】tsìn-kim：指人往生後埋葬，經一段時期揀骨裝甕，而後擇地造墓再葬的行為。

【定銀】tiānn-gîn：訂金。

【生菇臭殍】senn-koo-tshàu-phú：發霉。

【攬塗機】lu-thôo-ki：推土機。

【抨】phiann：丟棄；隨便丟、扔，置之不理。

【打揲】tánn-tiáp：此指整理；籌辦之意。

【若甲】nā-kah：既然。

【是年是節】sī-nî-sī-tseh：逢年過節。